

انسبكلو قبا علماء

ENSIKLOPEDIA ULAMA' (PENDAHULUAN)

Ulama' Zaman Sahabat, Tabi'in dan Atba' Tabi'in
(w. 13 H. / 635 M. - w. 181 H. / 798 M.)

JILID
1

Dr. Haji Mat Saad Abdul Rahman

جائتہ کما جوارہ اسلام ملبسیا

JABATAN KEMAJUAN ISLAM MALAYSIA

الإنسبک الوقیبہ العلماء

ENSIKLOPEDIA ULAMA' (PENDAHULUAN)

Ulama' Zaman Sahabat, Tabi'in dan Atba' Tabi'in
(w. 13 H. / 635 M. - w. 181 H. / 798 M.)

Jilid 1

الانسبک لوقبہ با علماء

ENSIKLOPEDIA ULAMA' (PENDAHULUAN)

Ulama' Zaman Sahabat, Tabi'in dan Atba' Tabi'in
(w. 13 H. / 635 M. - w. 181 H. / 798 M.)

Jilid 1

Dr. Haji Mat Saad Abdul Rahman

جایتن کما جوان اسلام مالسیا

JABATAN KEMAJUAN ISLAM MALAYSIA

2011

Dedikasi

*Buat ibu dan ayah yang telah pergi,
buat guru-guru yang mengajar saya erti ilmu,
buat isteri dan anak-anak yang sentiasa bersabar,
buat generasi muda yang sedang menimba ilmu,
untuk anda semua...
Saya abadikan usaha ini.*

Cetakan Pertama 2011

© Jabatan Kemajuan Islam Malaysia

Hak Cipta Terpelihara. Tidak dibenarkan mengeluarkan ulang mana-mana bahagian artikel, ilustrasi dan isi kandungan buku ini dalam apa jua bentuk dan dengan cara apa jua sama ada secara elektronik, fotokopi, mekanik, rakaman, atau cara lain sebelum mendapat izin bertulis daripada Ketua Pengarah, Jabatan Kemajuan Islam Malaysia, Pusat Pentadbiran Kerajaan Persekutuan, 62519 Putrajaya, Malaysia. Perundingan tertakluk kepada perkiraan royalti atau honorarium.

Perpustakaan Negara Malaysia

Data Pengkatalogan-dalam-Penerbitan

Mat Saad Abd. Rahman

Ensiklopedia Ulama'/ Mat Saad Abdul Rahman

ISBN 978-983-042-441-5 (jil. 1)

1. Ulama--Encyclopedias. I. Judul

297.6103

Diterbitkan Oleh:

Jabatan Kemajuan Islam Malaysia

Blok D7 & D9, Kompleks D

Pusat Pentadbiran Kerajaan Persekutuan,

62519 Putrajaya

Tel: 603-8886 4000 Faks: 603-8889 2039

Laman web: www.islam.gov.my

KANDUNGAN

Perutusan Perdana Menteri Malaysia	xv
Perutusan Menteri di Jabatan Perdana Menteri	xvii
Kata Alu-Aluan Ketua Pengarah Jakim	xix
Sepatah Kata Penulis	xxi
Biodata Penulis	xxv
Muqaddimah	xxix
• Kajian Lepas	xxxii
• Pembahagian Penulisan	xxxvi
• Rujukan	xxxvii
Bahagian I	1
Ulama' Zaman Sahabat	1
• Maksud Sahabat	1
• Zaman Sahabat	2
• Kedudukan dan Peringkat Para Sahabat	3
• Para Sahabat yang Dianggap Sebagai Fuqaha'	3

Peringkat 1	5
Para Sahabat Besar	5
1. Abu Bakar al-Siddiq (w. 13 H. / 635 M.)	5
2. Mu'az bin Jabal (w. 18 H. / 640 M.)	8
3. Ubaiy bin Ka'ab (w. 19 H. / 640 M.)	9
4. 'Umar bin al-Khattab (w. 23 H. / 644 M.)	10
5. Abu al-Darda' (w. 31 H. / 652 M.)	13
6. 'Abdullah bin Mas'ud (w. 33 H. / 654 M.)	14
7. 'Uthman bin 'Affan (w. 35 H. / 656 M.)	16
8. 'Ali bin Abi Talib (w. 40 H. / 661 M.)	18
9. Abu Musa al-Ash'ari (w. 44 H. / 665 M.)	22
10. Zaid bin Thabit (w. 45 H. / 666 M.)	24
11. 'Aishah (w. 58 H. / 678 M.)	25

Peringkat II

Para Sahabat Muda (Lapisan Kedua)	27
1. Fatimah binti Rasulullah SAW (w. 11 H. / 632 M.)	27
2. Abu 'Ubaidah bin al-Jarrah (w. 18 H. / 640 M.)	28
3. Khalid bin al-Walid (w. 21 H. / 642 M.)	29
4. Abu Dharr al-Ghifari (w. 31 H. / 652 M.)	30
5. 'Abd al-Rahman bin 'Auf (w. 32 H. / 653 M.)	31
6. Abu Talhah al-Ansari (w. 32 H. / 653 M.)	32
7. Salman al-Farisi (w. 34 H. / 655 M.)	33
8. 'Ubadah bin al-Samit (w. 34 H. / 655 M.)	35
9. Talhah bin 'Ubaidillah (w. 36 H. / 657 M.)	36
10. Hudhaifah bin al-Yaman (w. 36 H. / 657 M.)	37
11. Al-Zubair bin al-'Awwam (w. 36 H. / 657 M.)	38
12. 'Ammar bin Yasir (w. 37 H. / 658 M.)	39
13. Umm Habibah (w. 40 H. / 660 M.)	40
14. Shaddad bin Aus (w. 41 H. / 662 M.)	41
15. Abu Mas'ud al-Badri (w. 41 H. / 662 M.)	42
16. 'Amru bin al-'As (w. 43 H. / 664 M.)	43
17. Hafsa binti 'Umar (w. 45 H. / 665 M.)	44

18.	Al-Hasan bin ‘Ali (w. 49 H. / 670 M.)	45
19.	Sa‘id bin Zaid (w. 50 H. / 671 M.)	46
20.	Abu Ayyub bin al-Ansari (w. 51 H. / 672 M.)	47
21.	‘Imran bin Husain (w. 52 H. / 672 M.)	48
22.	Fadalah bin ‘Ubaid al-Ansari (w. 53 H. / 673 M.)	49
23.	Abu Qatadah al-Ansari (w. 54 H. / 674 M.)	50
24.	Sa‘d bin Abi Waqqas (w. 55 H. / 675 M.)	51
25.	Abu Hurairah al-Dausi (w. 57 H. / 677 M.)	52
26.	‘Uqbah bin ‘Amir al-Juhani (w. 58 H. / 678 M.)	53
27.	Samurah bin Jundab al-Fazari (w. 58 H. / 678 M.)	54
28.	Umm Salamah (w. 59 H. / 679 M.)	56
29.	‘Abdullah bin Mughaffal al-Muzani (w. 59 H. / 679 M.)	57
30.	Mu‘awiyah bin Abi Sufyan (w. 60 H. / 680 M.)	58
31.	Malik bin Rabi‘ah al-Ansari (w. 60 H. / 680 M.)	59
32.	Abu Barzah al-Aslami (w. 60 H. / 680 M.)	60
33.	Al-Husain (w. 61 H. / 681 M.)	61
34.	Buraidah al-Aslami (w. 62 H. / 682 M.)	61
35.	Abu Sa‘id al-Khudri (w. 64 H. / 684 M.)	62
36.	Al-Miswar bin Makhramah (w. 64 H. / 684 M.)	63
37.	Al-Dahhak bin Qais (w. 64 H. / 684 M.)	64
38.	Al-Nu‘man bin Bashir (w. 64 H. / 684 M.)	65
39.	Ibn ‘Abbas (w. 68 H. / 688 M.)	66
40.	Abu Waqid al-Laithi (w. 68 H. / 688 M.)	67
41.	Zaid bin Arqam (w. 68 H. / 688 M.)	68
42.	Asma’ binti Abi Bakr (w. 73 H. / 692 M.)	69
43.	Jabir bin ‘Abdullah (w. 73 H. / 693 M.)	71
44.	Ibn ‘Umar (w. 74 H. / 694 M.)	72
45.	Rafi‘ bin Khadij (w. 74 H. / 694 M.)	73
46.	Salamah bin al-Akwa‘ (w. 74 H. / 694 M.)	74
47.	Ibn al-Zubair (w. 75 H. / 695 M.)	75
48.	Ibn ‘Amru (w. 77 H. / 697 M.)	77
49.	Abu Umamah al-Bahili (w. 81 H. / 701 M.)	78
50.	Wathilah bin al-Asqa‘ al-Laithi (w. 83 H. / 703 M.)	79

51.	'Abdullah bin al-Aufa al-Aslami (w. 86 H. / 705 M.)	80
52.	Sahl bin Sa'ad al-Sa'idi (w. 88 H. / 707 M.)	80
53.	Anas bin Malik (w. 93 H. / 712 M.)	81
54.	'Abdullah bin Buthainah (w. ...)	82
55.	Basrah al-Ghifari (w. ...)	83
56.	Al-Barra' bin 'Azib (w. ...)	84
57.	Abu Humaid al-Sa'idi (w. ...)	85
58.	'Abdullah bin Yazid al-Khatmi (w. ...)	85
59.	'Abd al-Rahman bin Abza (w. ...)	86
60.	Umm al-Fadl binti al-Harith (w. ...)	87
61.	Umm Hani' binti Abi Talib (w. ...)	88

Bahagian II

Ulama' Zaman Tabi'in dan Atba' Tabi'in 89

Tabi'in dan Atba' Tabi'in Kota Madinah 91

1.	Muhammad bin 'Ali bin Abi Talib (w. 83 H. / 703 M.)	91
2.	'Abd al-Malik bin Marwan (w. 86 H. / 705 M.)	92
3.	Qubaidah bin Dhu'aib (w. 87 H. / 706 M.)	92
4.	Sa'id bin al-Musaiyyib (w. 91 H. / 710 M.)	93
5.	'Urwah bin al-Zubair (w. 94 H. / 713 M.)	94
6.	Abu Bakr bin 'Abd al-Rahman (w. 94 H. / 713 M.)	95
7.	'Ali bin al-Husain (w. 94 H. / 713 M.)	96
8.	Abu Salamah (w. 94 H. / 713 M.)	97
9.	Kharijah bin Zaid bin Thabit (w. 100 H. / 719 M.)	98
10.	Al-Hasan bin Muhammad bin al-Hanafiyah (w. 100 H. / 719 M.)	99
11.	Al-Qasim bin Muhammad (w. 101 H. / 720 M.)	100
12.	'Umar bin 'Abd al-'Aziz (w. 101 H. / 720 M.)	101
13.	'Ubaidillah bin 'Abdullah bin 'Utbah bin Mas'ud (w. 102 H. / 721 M.)	102

14.	Salim bin ‘Abdullah (w. 106 H. / 725 M.)	103
15.	Sulaiman bin Yassar (w. 109 H. / 728 M.)	104
16.	Muhammad bin ‘Ali bin al-Husain (w. 114 H. / 733 M.)	105
17.	Al-Zuhri (w. 124 H. / 742 M.)	106
18.	‘Abd al-Rahman bin al-Qasim (w. 126 H. / 744 M.)	107
19.	Abu al-Zinad (w. 130 H. / 748 M.)	108
20.	Rabi‘ah al-Ra’y (w. 136 H. / 754 M.)	109
21.	Yahya bin Sa‘id (w. 143 H. / 761 M.)	110
22.	‘Abdullah bin Yazid bin Hurmuz (w. 148 H. / 766 M.)	111
23.	Ibn Abi Dhi‘b (w. 159 H. / 776 M.)	112
24.	Al-Majishun (w. 160 H. / 777 M.)	112
25.	Ibn Abi Subrah (w. 172 H. / 789 M.)	113
26.	Malik bin Anas (w. 179 H. / 796 M.)	113
27.	Ibrahim bin Sa‘d al-Ansari (w. 183 H. / 800 M.)	115
28.	Ibrahim bin Sa‘d al-Zuhri (w. 183 H. / 800 M.)	116
29.	Ibrahim bin Muhammad bin Abi Yahya al-Aslami (w. 184 H. / 801 M.)	117
30.	‘Abd al-‘Aziz bin Muhammad al-Darwurdī (w. 187 H. / 803 M.)	117
Tabi‘in dan Atba‘ Tabi‘in Kota Makkah		118
1.	Mujahid bin Jabr (w. 101 H. / 720 M.)	118
2.	‘Ata’ (w. 115 H. / 734 M.)	119
3.	‘Ikrimah (w. 115 H. / 734 M.)	120
4.	Ibn Abi Mulaikah (w. 119 H. / 737 M.)	121
5.	‘Amru bin Dinar (w. 126 H. / 744 M.)	121
6.	Ibn Abi Nujaih (w. 132 H. / 750 M.)	122
7.	Ibn Juraij (w. 150 H. / 768 M.)	123
8.	Al-Zinji (w. 179 H. / 796 M.)	124
9.	Sufyan bin ‘Uyainah (w. 198 H. / 814 M.)	125
10.	Al-Shafi‘i (w. 204 H. / 820 M.)	126

Tabi'in dan Atba' Tabi'in Negara Yaman	128
1. Tawus bin Kaisan (w. 106 H. / 725 M.)	128
2. Wahb bin Munabbih (w. 114 H. / 733 M.)	129
3. Sharahil bin Sharhabil (w. ...)	130
Tabi'in dan Atba' Tabi'in Negara Sham dan al-Jazirah	130
1. Raja' bin Haiwah al-Kindi (w. 112 H. / 731 M.)	131
2. Maimun bin Mahran (w. 117 H. / 736 M.)	131
3. Makhul (w. 118 H. / 737 M.)	132
4. Sulaiman bin Musa al-Ashdaq (w. 119 H. / 737 M.)	133
5. Yahya bin Yahya al-Ghassani (w. 135 H. / 753 M.)	133
6. Muhammad bin al-Walid bin 'Amir al-Zabidi (w. 148 H. / 766 M.)	134
7. Al-Auza'i (w. 157 H. / 774 M.)	134
8. Sa'id bin 'Abd al-'Aziz al-Tanukhi (w. 167 H. / 784 M.)	136
Tabi'in dan Atba' Tabi'in Negara Mesir	136
1. Bukair bin 'Abdullah al-Ashajj (w. 120 H. / 738 M.)	136
2. Abu Umaiyah 'Amru bin al-Harith (w. 149 H. / 767 M.)	137
3. Al-Laith bin Sa'id (w. 175 H. / 792 M.)	138
4. Murthid bin 'Abdullah al-Yazni al-Mistri (w. ...)	139
Tabi'in dan Atba' Tabi'in Kota Kufah	139
1. 'Alqamah al-Rawi (w. 62 H. / 682 M.)	139
2. Masruq (w. 63 H. / 682 M.)	140
3. Al-Harith al-A'war (w. 70 H. / 690 M.)	141
4. 'Abidah al-Silmani (w. 72 H. / 692 M.)	141
5. Al-Aswad (w. 75 H. / 695 M.)	142
6. Shuraih al-Qadi (w. 82 H. / 702 M.)	143
7. Sa'id bin Jubair (w. 95 H. / 714 M.)	144
8. Al-Nakha'i (w. 96 H. / 716 M.)	145
9. Al-Sha'bi (w. 109 H. / 728 M.)	146

10.	Al-Hakam bin ‘Utaibah (w. 115 H. / 734 M.)	147
11.	Hammad bin Abi Sulaiman (w. 119 H. / 737 M.)	147
12.	Ibn Shubrumah (w. 144 H. / 762 M.)	147
13.	Ibn Abi Laila (w. 148 H. / 766 M.)	148
14.	Abu Hanifah (w. 150 H. / 768 M.)	149
15.	Sufyan al-Thauri (w. 161 H. / 778 M.)	151
16.	Al-Hasan bin Saleh bin Haiyy (w. 167 H. / 784 M.)	151
17.	Sharik bin ‘Abdullah (w. 177 H. / 794 M.)	152
18.	Marwan bin Mu‘awiyah al-Fazari (w. 193 H. / 809 M.)	153
19.	Waki’ bin al-Jarrah al-Kufi (w. 197 H. / 812 M.)	153
20.	Abu Usamah Hammad bin Usamah al-Kufi (w. 201 H. / 817 M.)	154
Tabi‘in dan Atba‘ Tabi‘in Kota Basrah		155
1.	Muslim bin Yassar (w. 100 H. / 719 M.)	155
2.	Abu al-Sha‘tha’ (w. 103 H. / 722 M.)	156
3.	Abu al-‘Aliyah (w. 106 H. / 725 M.)	157
4.	Abu Qalabah (w. 106 H. / 725 M.)	158
5.	Al-Hasan al-Basri (w. 110 H. / 729 M.)	158
6.	Ibn Sirin (w. 110 H. / 729 M.)	159
7.	Qatadah (w. 117 H. / 736 M.)	160
8.	Ayyub al-Sakhtiyani (w. 131 H. / 749 M.)	161
9.	Dawud bin Abi Hind (w. 137 H. / 755 M.)	162
10.	Yunus bin ‘Ubaid (w. 139 H. / 757 M.)	162
11.	Ash‘ath bin ‘Abd al-Malik al-Humrani (w. 146 H. / 764 M.)	163
12.	‘Abdullah bin ‘Aun bin Artaban (w. 151 H. / 769 M.)	164
13.	‘Abd al-Wahhab bin ‘Abd al-Majid al-Thaqafi (w. 184 H. / 801 M.)	164
14.	Isma‘il bin ‘Ulaiyyah al-Basri (w. 193 H. / 809 M.)	165
15.	Ibn Mahdi (w. 198 H. / 814 M.)	165
16.	Muhammad bin ‘Abdullah al-Ansari (w. 215 H. / 831 M.)	166
17.	Humaid bin ‘Abd al-Rahman (w. ...)	167
18.	Hisham al-Dastawa‘i (w. ...)	167

Tabi'in dan Atba' Tabi'in Kota Baghdad	168
1. Abu Thaur al-Baghdadi (w. 240 H. / 855 M.)	168
2. Ahmad bin Hanbal (w. 241 H. / 855 M.)	169
Tabi'in dan Atba' Tabi'in Wilayah Khurasan	171
1. Al-Dahhak bin Muzahim al-Hilali (w. 102 H. / 721 M.)	171
2. 'Ata' al-Khurasani (w. 135 H. / 753 M.)	172
3. 'Abdullah bin al-Mubarak al-Marwazi (w. 181 H. / 798 M.)	172
Bibliografi	175
Indeks	187



PERUTUSAN PERDANA MENTERI MALAYSIA

*Assalamu'alaikum Warahmatullahi Wabarakatuh
dan Salam 1Malaysia*



Bersama kita panjatkan kesyukuran ke hadrat Allah SWT kerana dengan taufiq dan inayah-Nya kita berada dalam nikmat iman dan dapat melaksanakan tuntutan Islam dalam keadaan harmoni dan penuh kerahmatan.

Saya mengucapkan sekalung tahniah dan syabas kepada Jabatan Kemajuan Islam Malaysia kerana telah berjaya menerbitkan sebuah penulisan yang berjudul Ensiklopedia Ulama', iaitu buku yang mengumpulkan periwayatan ulama' sejak zaman dahulu hingga kini mengikut kronologi kewafatan.

Dalam memahami hakikat para ulama' merupakan orang yang amat berjasa dalam memajukan tamadun ummah, maka penulisan ini diharapkan menjadi rujukan utama umat Islam dalam meneroka sejarah ulama' di zaman silam sehingga ke hari ini. Sesungguhnya, nikmat iman dan Islam yang dinikmati oleh umat Islam hari ini merupakan warisan ulama' terdahulu. Segala usaha, jerih perih dan penat lelah mereka dalam meneroka pelbagai bidang keilmuan yang

ditinggalkan seharusnya digali dan diterokai semula supaya menjadi panduan ummah yang amat bernilai.

Sabda Nabi SAW yang mafhumnya, ***“Sesungguhnya para ulama’ adalah pewaris para nabi. Para nabi tidak mewarisi dinar dan tidak pula dirham, namun (mereka) mewariskan ilmu. Sehingga sesiapa yang telah mengambilnya (ilmu tersebut), bererti telah mengambil bahagian yang sempurna.”***
[Hadis riwayat Imam Abu Dawud dalam Sunannya]

Saya yakin dan percaya usaha murni ke arah pembangunan ketamadunan ummah melalui bahan bacaan dapat menganjukkan minda masyarakat ke arah membentuk sebuah negara Islam yang progresif, maju dan makmur. Justeru, penerbitan buku ini amat signifikan dan selaras dengan gagasan 1Malaysia Rakyat Didahulukan, Pencapaian Diutamakan.

Sesungguhnya, inisiatif murni ini diharapkan memberi impak dan manfaat yang besar kepada agama, bangsa dan negara, Insyaa-Allah.

DATO’ SRI MOHD NAJIB BIN TUN HAJI ABDUL RAZAK
Perdana Menteri Malaysia



PERUTUSAN
MENTERI
DI JABATAN PERDANA MENTERI

Assalamu'alaikum Warahmatullahi Wabarakatub



Alhamdulillah, dengan taufiq dan inayah-Nya, saya amat bersyukur kerana Jabatan Kemajuan Islam Malaysia telah dapat menerbitkan sebuah ensiklopedia yang berjudul *Ensiklopedia Ulama'*.

*“Kapal layar bertiang tiga,
Tiang keempat batang galah;
Ikhtiar ilmu bahagian kita,
Hasil pendapatan di tangan Allah.”*

Jutaan terima kasih saya ucapkan kepada Y.Bhg. Dr. Haji Mat Saad bin Abdul Rahman yang telah berusaha sejak tahun 1992 untuk merealisasikan sebuah buku penting sebagai tatapan masyarakat.

Seperti kita sama-sama maklum, peranan ulama' dalam meneruskan usaha menyebarkan ajaran Islam ke seluruh pelosok dunia, bukanlah suatu perkara yang mudah. Ia memerlukan usaha

yang bersungguh-sungguh dalam segenap segi. Justeru, peranan mereka tidak boleh diabaikan. Mereka perlu ditampikan kepada khalayak agar segala usaha bakti yang telah dicurahkan mendapat perhatian dan dijadikan contoh tauladan. Sebenarnya, kemajuan umat Islam pada hari ini bertitik-tolak daripada pengorbanan masa dan curahan tenaga ulama' zaman berzaman dalam menyampaikan ajaran Islam. Ternyata umat Islam sejak dari dahulu telah meneroka ilmu dalam pelbagai bidang dan ini dapat dibuktikan melalui penulisan buku ini.

Fokus penulisan yang bermula pada ulama' zaman sahabat, tabi'in, atba' tabi'in dan seterusnya generasi selanjutnya yang ditumpukan khusus kepada ulama' Mazhab Shafi'i menarik untuk dibaca dan dijadikan rujukan kepada seluruh masyarakat. Ia merupakan salah satu usaha untuk memberi sumbangan ke arah meningkatkan dan mengukuhkan kedudukan agama Islam dan umat Islam di Malaysia.

Dengan penerbitan buku ini, ia diharap menjadi pembukaan kepada kajian selanjutnya serta menjadi sumber bacaan dan rujukan berguna kepada seluruh khalayak ke arah melahirkan masyarakat yang berilmu pengetahuan.

**MEJAR JENERAL DATO' SERI JAMIL KHIR BIN HJ.
BAHAROM (B)**

Menteri di Jabatan Perdana Menteri



KATA ALU-ALUAN
KETUA PENGARAH
JABATAN KEMAJUAN ISLAM MALAYSIA

Assalamu'alaikum Warahmatullahi Wabarakatub



Penerbitan Ensiklopedia Ulama' ini mempunyai sejarahnya yang tersendiri. Penulis menghasilkannya pada tahun 1992 dan diterbitkan untuk pertama kalinya sebagai Ensiklopedia Fuqaha' Mazhab Shafi'i. Ia merupakan usaha yang julung kali ke arah menerbitkan ensiklopedia dalam bahasa Melayu dalam bidang ini. Walau bagaimanapun, menurut penulisnya sendiri, usaha tersebut tidak dapat diteruskan disebabkan kesulitan kewangan dan teknikal.

Empat belas tahun berlalu, pada tahun 2006, penulis telah mengemukakan sekali lagi penulisan yang sama dengan tajuk Ensiklopedia Fuqaha'. Menurut perancangan, akan diterbitkan sebanyak tujuh jilid, namun kenyataannya hanya dua jilid - Jilid Pertama dan Jilid Kedua - yang dapat diterbitkan.

Adapun Ensiklopedia Ulama' yang kini berada di tangan pembaca merupakan penerbitan kali ketiga ensiklopedia yang serupa tetapi tidak sama. Ia tidak sama dengan penerbitan-

penerbitan yang terawal kerana penerbitan kali ini merupakan versi yang sudah dikemas kini dengan penambahbaikan yang seperlunya.

Sebagaimana yang terlihat, Ensiklopedia Ulama' memberi tumpuan khusus kepada ulama' Mazhab Shafi'i iaitu mazhab yang menjadi pegangan umat Islam terbesar di Nusantara ini yang terdiri daripada orang Melayu. Mazhab Shafi'i sebagaimana yang kita maklumi dinisbahkan kepada Imam Abu 'Abdullah Muhammad Ibn Idris Ibn al-'Abbas al-Shafi'i yang lahir di Gaza, Palestin pada tahun 150 H. / 767 M. dan wafat di Fustat, Mesir pada 30 Rejab tahun 240 H. / 820 M. dan dimakamkan di sana.

Selaku penerbit, kami memanjatkan setinggi-tinggi kesyukuran ke hadrat Allah SWT kerana diberi kesempatan untuk menerbitkan penulisan yang kami tidak syak lagi sangat berharga ini. Ensiklopedia seperti ini tentulah sangat berguna sebagai tempat rujukan, khususnya oleh para pelajar di institusi-institusi pendidikan tinggi. Namun demikian, untuk para pembaca awam sekalipun, kami percaya ia tidak pula kurang manfaatnya.

Wabillahi Taufik Walbidayah, Wassalamu'alaikum Warahmatullahi Wabarakatuh.

DATO' HAJI WAN MOHAMAD BIN DATO' SHEIKH ABDUL AZIZ
Ketua Pengarah
Jabatan Kemajuan Islam Malaysia

SEPATAH KATA PENULIS

*Bismillah wa al-Hamdulillah wa al-Solat wa al-Salam
'ala Rasulillah*



Tulisan ini merupakan lakaran ringkas kepada ceritera sekumpulan insan mulia yang meneruskan perjuangan para anbiya'. Lakaran ini kadang-kadang dilupakan orang atau sengaja dilupakan, sedangkan tugas yang mereka pikul adalah mulia dan berat untuk menjernihkan akidah, menegakkan syari'at Allah di muka bumi ini dalam usaha memartabatkan keadilan, keamanan dan kesaksamaan sejagat, di samping membina moral insan yang luhur. Diri mereka sebenarnya adalah cermin hidup kepada para anbiya'.

Kurangnya kisah tentang hidup dan kehidupan mereka dalam buku-buku sejarah, menyebabkan generasi muda kini kehilangan contoh dalam menjejaki dan membina masa depan mereka. Teladan yang mereka perolehi, mungkin dari Barat atau dari Timur, yang sebahagiannya kabur dan tidak menentu, tidak mungkin diteladani atau dicontohi dalam melangkah ke arah sasaran sebenar masa depan mereka. Di sini letaknya justifikasi perlunya penulisan seperti ini dibudayakan di Malaysia. Kita mempunyai ramai tokoh di

kalangan para ulama' mazhab sepanjang kehadiran Islam ke rantau ini. Tetapi berapa ramai di antara mereka yang kita tahu tentang hidup dan kehidupan mereka? Berapa ramai di antara mereka yang kita tahu tentang perjuangan dan pengorbanan mereka? Dan berapa banyak yang kita tahu tentang warisan ilmu yang diabadikan di dalam sejumlah besar karya tulis mereka?

Dalam masyarakat ilmuwan Islam di Asia Barat (Timur Tengah), penulisan tentang biodata ulama' telah lahir sejak awal tamadun Islam itu bermula. Tulisan-tulisan dalam kategori ini dirakamkan, biasanya di dalam kitab-kitab yang dinamakan kitab *Tabaqat* dan seumpamanya. Dalam setiap bidang ilmu kita akan menemui rakaman ringkas tentang latar belakang tokoh-tokohnya. Sebagai contohnya di dalam bidang fiqh secara umumnya kita menemui kitab-kitab yang membawa nama *Tabaqat al-Fuqaha'*, *Tabaqat al-Fuqaha' wa al-Muhaddithin*, *Tabaqat al-Mujtabidin*, *Tabaqat Fuqaha' al-Yaman wa Ru'asa' al-Zaman* dan lain-lain. Di dalam Ilmu Fiqh Mazhab, kita menemui nama-nama kitab seperti *Tabaqat al-Hanafiyah*, *Tabaqat al-Malikiyyah*, *Tabaqat al-Shafi'iyah*, *Tabaqat al-Hanabilah* atau *Tabaqat al-Hanbaliyyah*, *Tabaqat al-Mu'tazilah* dan lain-lain. Di dalam bidang Tafsir, kita bertemu dengan sejumlah kitab yang dinamakan *Tabaqat al-Mufassirin*, *Tabaqat al-Huffaz*, *Tadhkirat al-Huffaz*, *Tabaqat al-Qurra'* dan lain-lain. Di dalam bidang Hadis pula, kita melihat nama-nama seperti *Tabaqat al-Muhaddithin*, *Tahdhib al-Tahdhib*, *Tabaqat al-Ruwah*, *al-Hadith wa al-Muhaddithun* dan lain-lain. Di dalam bidang Ilmu Bahasa dan Sastera kita bertemu dengan nama-nama seperti *Tabaqat al-Nubah*, *Tabaqat al-Lughawiyyin wa al-Nubah*, *Mu'jam al-Udaba'* dan lain-lain. Di dalam bidang Ilmu Kalam dan Tasawuf kita bersua dengan kitab-kitab seperti *Tabaqat al-Mutakallimin*, *Tabaqat al-Sufiyah*, *Tabaqat al-Auliya'* dan lain-lain. Banyak lagi kitab-kitab lain berkaitan dengan biodata ulama' dalam berbagai bidang ilmu, seperti bidang perubatan, falsafah, penulisan, fara'id, nasab atau keturunan dan lain-lain yang dirakamkan oleh

para ulama' di sebelah sana (Haji Khalifah, *Kashf al-Zunun*, 2: 1096-1108).

Di Malaysia, hanya pada awal abad ke-20 Masihi, barulah kita mula membudayakan penulisan tentang ulama' menerusi konsep *tabaqat*, tetapi tidak dinamakan *tabaqat*. Usaha-usaha beberapa orang penulis tempatan dan agensi kerajaan membukukan latar belakang tokoh-tokoh ulama' negeri masing-masing adalah langkah mulia dan wajar diberikan pujian. Ada juga usaha-usaha seorang dua penulis yang cuba mendedahkan latar belakang ulama' rantau ini secara keseluruhan meliputi ulama'-ulama' dari Malaysia, Patani dan Indonesia. Tetapi sebahagiannya telah terhenti dengan kematian penulis sendiri atau atas sebab-sebab kesihatannya dan lain-lain.

Dalam tulisan ini, saya cuba mengambil laluan yang jauh kebelakang, iaitu merujuk kepada zaman selepas kewafatan baginda Rasulullah SAW yang dikenali sebagai *zaman sahabat*. Sesudah itu diikuti dengan generasi *zaman tabi'in* dan *atba' tabi'in*. Kemudian saya langsung tulisan ini kepada ulama' Mazhab Shafi'i, bermula daripada generasi murid beliau ketika di Makkah, 'Iraq dan Mesir menerusi urutan tarikh wafat masing-masing sehinggalah kepada para ulama' mazhab sepanjang sejarah perkembangan mazhab ini yang sampai ke rantau Asia dan berakhir dengan tokoh-tokoh yang baru wafat pada sekitar akhir abad 15 Hijrah atau 21 Masihi ini. Laluan yang panjang ini mengambil masa yang agak lama untuk disempurnakan dan akan dimuatkan di dalam (jangkaan) setidaknya dalam 14 jilid sederhana. Justeru saya amat bersyukur kerana dengan *taufiq*, *hidayah* dan *'inayah Allah SWT* saya mampu sehingga kini untuk meneruskan tulisan ini yang belum lagi tamat.

Saya amat berterima kasih kepada semua mereka yang terlibat dalam menjayakan karya ini sama ada menerusi sokongan material ataupun moral. Dan tidak ketinggalan juga pada kesempatan ini, secara khususnya, saya kalungkan ucapan setinggi-tinggi

penghargaan dan terima kasih kepada pihak Jakim yang bersedia merealisasikan tulisan ini seperti yang sedia ada sehingga ianya sampai kepada para pembaca. Untuk anda semua *Jazakumullah Khairan Kathiran.*

DR. HAJI MAT SAAD ABDUL RAHMAN

Bandar Baru Bangi

Selangor

BIODATA PENULIS

Dr. Mat Saad bin Abdul Rahman dilahirkan pada tahun 1942 di Kedah Darul Aman. Beliau mendapat pendidikan awal di Maktab Mahmud, Alor Setar, Kedah pada tahun 1955 dengan mendapat Sijil Menengah Agama (Pengantar Bahasa Arab) pada tahun 1962, kemudian melanjutkan pelajaran ke Kolej Islam Malaya, Kelang, Selangor pada tahun 1963 dengan mendapat Sijil Tertinggi KIM (Pengantar Bahasa ‘Arab) pada tahun 1965 dan Diploma Pendidikan pada tahun 1966. Kecemerlangan dalam bidang pembelajaran telah melayakkan beliau menyambung pelajaran ke Universiti Al-Azhar, Cairo pada tahun 1967. Di Universiti ini beliau berjaya memperoleh Ijazah MA. pada tahun 1970 dan Ijazah Ph.D pada tahun 1979.

Dalam bidang akademik, beliau pernah menjawat beberapa jawatan bermula sebagai Tutor, Jabatan Syariah, Fakulti Pengajian Islam Universiti Kebangsaan Malaysia pada tahun 1972 hingga 1979, kemudian menjawat jawatan sebagai Pensyarah, Jabatan

Syariah, Fakulti Pengajian Islam, UKM pada tahun 1979 hingga 1984, seterusnya menjawat jawatan Prof. Madya di jabatan yang sama pada tahun 1984 hingga 1997, Beliau seterusnya berhijrah ke Brunei dan menjawat jawatan Prof. Madya di Jabatan Syariah, Fakulti Pengajian Islam, Universiti Brunei Darussalam (UBD) pada tahun 1997 hingga 1999, Prof. Madya di Jabatan Syariah Institut Pengajian Islam Sultan Omar 'Ali Saifuddein UBD pada tahun 1999 hingga 2004. Kembali semula ke Malaysia dan menjawat jawatan sebagai Fellow Kanan, Pusat Syariah, Undang-Undang dan Sains Politik, Institut Kefahaman Islam Malaysia pada tahun 2005 hingga 2006. Beliau ke Brunei semula selepas melepaskan jawatannya dan menjadi Penyelidik Kanan (Prof. Madya) Pusat Penyelidikan Mazhab Shafi'i, Universiti Islam Sultan Sharif 'Ali (UNISSA) Brunei Darussalam pada tahun 2008 hingga 2009.

Dalam pentadbiran akademik beliau pernah dilantik sebagai Ketua Jabatan Syariah IPISHOAS, UBD pada tahun 1999 hingga 2004, Setiausaha Jurnal Undang-Undang Syariah Brunei Darussalam pada tahun 2001 hingga 2004, Penyelaras Sudut Hukum, IKIM pada tahun 2005 hingga 2006 dan Penyelaras Pusat Syariah, Undang-Undang dan Sains Politik, IKIM pada tahun 2006.

Sebagai ahli akademik yang berpengalaman luas beliau banyak terlibat dengan aktiviti penyelidikan, penulisan, kemasyarakatan dan khidmat kepakaran.

Antara karya asli yang dihasilkan oleh beliau ialah *Undang-Undang Jenayah Islam-Jenayah Qisas, Undang-Undang Jenayah Islam-Jenayah Hudud, Undang-Undang Keluarga Islam-Aturan Perkahwinan, Kedudukan Orang-Orang Bukan Islam dalam Sejarah Pemerintahan Islam dan Pembalasan Kesalahan Jenayah dalam Masyarakat Majmuk*. Manakala karya terjemahan yang pernah diusahakan oleh beliau pula ialah *Fiqh Wanita-Bersuci, Fiqh Wanita-Sembahyang, Fiqh Wanita-Zakat dan Puasa, Fiqh Wanita-Haji, Fiqh Wanita-Mu'amalat, Fiqh Wanita-Anak*

perempuan, Al-Fiqh al-Islam wa Adillatuh dan Jaminan Islam Terhadap Nyawa dan Kemuliaan Insan.

Manakala dalam tugas-tugas kemasyarakatan pula, beliau pernah dilantik menjadi Ahli Jawatankuasa Panel Kajian Syariah, Pusat Islam, Jabatan Perdana Menteri pada tahun 1993 hingga 1997 dan dilantik semula pada Jun 2008 hingga kini, AJK Undang-Undang (Fatwa) Wilayah Persekutuan pada tahun 1994 hingga 1997, Ahli Majlis Fatwa Kebangsaan Bagi Hal Ehwal Agama Islam Malaysia pada tahun 1995 hingga 1997 dan dilantik semula Julai 2010 hingga kini. Beliau juga pernah dilantik sebagai Ahli Majlis Syariah, Bank Pertanian Malaysia pada tahun 1996 hingga 1997 dan sebagai Pakar Rujuk dalam Program Filem Dokumentasi, Anjuran Jabatan Mufti Kerajaan Bersempena Hari Lahir ke Bawah Duli Yang Maha Mulia Sultan dan Yang Dipertuan Negara Brunei Darussalam ke-57, pada Julai 2003.

MUQADDIMAH

Sebagai salah satu komponen dalam barisan *Ahl al-Sunnah wa al-Jama'ah*, Mazhab Shafi'i yang telah diasaskan oleh Imam al-Shafi'i RA (150 – 204 H.) sejak pertengahan abad kedua Hijrah telah diterima dengan baik oleh penganut-penganut Islam di sebahagian besar rantau dunia hari ini, khususnya di Asia Tenggara.

Penulisan perundangan atau penulisan fiqh yang diasaskan oleh Imam Shafi'i dengan merujuk kepada kaedah-kaedah Ilmu Usul yang beliau asaskannya, kemudian ia dikembangkan pula oleh para murid serta para ulama' mazhabnya, merupakan siri kesinambungan daripada pengajaran yang disampaikan oleh Rasulullah SAW kepada para Sahabat dan diwarisi oleh generasi Islam pada zaman-zaman berikutnya. Ia sama sekali tidak terkeluar dari sumber-sumbernya yang asasi, iaitu al-Qur'an, al-Sunnah, al-Ijma' dan al-Qiyas.

Jika kita melihat kepada kronologi perkembangannya, perundangan Islam yang bermula pada zaman Rasulullah SAW telah

berkembang menerusi beberapa peringkat masa yang meliputi zaman para sahabat, tabi'in, atba' al-tabi'in dan sehingga ke zaman kelahiran mazhab-mazhab Islam, termasuklah Mazhab Shafi'i.

Di negara-negara Islam, seperti Malaysia, Indonesia, Pattani serta lainnya, terdapat juga kemunculan beberapa tokoh ulama' yang bukan sahaja menulis tentang persoalan akidah, ilmu kalam dan akhlak, malah ada di antara mereka yang telahpun berjaya menghasilkan karya fiqhnya yang terkenal dan setanding dengan karya-karya ulama' fiqh di beberapa negara Islam di Timur Tengah.

Dalam konteks pelaksanaan perundangan Islam, para ulama' yang 'arif dalam bidang ini (disebut sebagai *fuqaha'*) merupakan mereka yang bertanggungjawab menjelas, menganalisis, mengembang dan merealisasikan pelaksanaan hukum syara' dengan kerjasama para *umara'* (pemerintah) bagi sesebuah negara. Atas nasihat daripada para ulama', para *umara'* melaksanakan tugas mereka sebagai pentadbir dengan adil dan saksama tanpa mengira perbezaan rupa bangsa, agama dan budaya sesuatu kaum di negara masing-masing. Kedudukan ini telah berlaku di Malaysia sejak zaman pemerintahan Kerajaan Melayu Melaka (1409-1511 M.) sehingga ke waktu ini di mana para ulama' sentiasa terus memberi sumbangan dalam membangunkan masyarakat dan negara bersama-sama para umara'. Penghayatan ajaran Islam sepenuhnya telah berlaku pada masa lampau menerusi beberapa buah Kanun Negeri, seperti Hukum Kanun Melaka yang telah menjadi kanun induk kepada kanun-kanun negeri yang di bawah jajahan takluknya. Hanya selepas negara ini dijajah kuasa Barat, barulah kita mengenali Undang-undang Sivil Barat seperti yang ada sekarang ini.

Para ulama', di samping sebagai penasihat dan pentadbir (sama ada mereka berjawatan kadi atau mufti atau sheikhul Islam), mereka juga turut bergerak cergas dalam bidang dakwah dan aktif dalam memajukan pendidikan rakyat menerusi sistem dan pusat pengajian

yang mereka asaskan sendiri di tempat masing-masing atau di tempat-tempat penghijrahan mereka. Bagi menyempurnakan misi dakwah dan pendidikan Islam, mereka telah menghasilkan sejumlah besar karya tulis sama ada dalam bahasa Melayu Jawi atau bahasa ‘Arab yang memperkayakan khazanah ilmu tanah air. Karya-karya tersebut bukan sahaja menyentuh bidang perundangan, malah meliputi bidang-bidang akidah, akhlak dan tasawuf, sastera dan bahasa.

Oleh yang demikian, penulisan tentang peranan dan sumbangan para ulama’ dalam beberapa tahap sejarah perkembangan pemikiran Islam, merupakan usaha yang amat penting serta perlu diketengahkan. Penulisan tentang ketokohan ulama’ Mazhab Shafi’i, khususnya mereka yang terlibat dalam perkembangan perundangan dan bidang-bidang yang lain, antara lainnya bertujuan untuk menyusuri perjuangan mereka yang penuh ikhlas dan dedikasi tanpa mengharapkan ganjaran dan sanjungan daripada mana-mana pihak dalam memenuhi tanggungjawab sebenar seperti yang disebut oleh baginda Rasulullah SAW di dalam sebuah Hadisnya yang bermaksud: *“Para ulama’ adalah pewaris para anbiya”*.

Selain itu, penulisan ini diharap dapat membantu para pelajar untuk mengenali secara lebih dekat tokoh-tokoh ulama’ sahabat, tabi’in, atba’ tabi’in dan ulama’ Mazhab Shafi’i yang disebut di dalam teks kitab-kitab lama yang mereka pelajari. Pada kebiasaannya nama tokoh-tokoh tersebut hanya dirakam dengan gelaran masyhurnya sahaja, seperti al-Muzani, Harmalah, al-Za‘farani, al-Shirazi, al-Mawardi, al-Ruyani, Imam al-Haramain, al-Ghazali, al-Rafi’i, al-Nawawi, al-Bujairimi dan banyak lagi gelaran-gelaran lain dari kalangan ulama’ mazhab mutaakhirin. Justeru, karya tulis ini diharapkan dapat membantu para pelajar dan juga pembaca umumnya mengatasi kesulitan mereka.

Kajian Lepas

Terdapat beberapa buah karya yang dihasilkan sebelum ini yang mengupas tentang sejarah hidup para ulama' fiqh (*fuqaha'*) secara umumnya telah diterbitkan di dalam bahasa 'Arab. Sebagai contohnya, al-Shirazi, Ibrahim bin 'Ali bin Yusuf, Abu Ishak, dalam kitabnya *Tabaqat al-Fuqaha'*, (Beirut: Dar al-Raid al-'Arabi, 1970) telah mengemukakan sebilangan tokoh-tokoh ulama' dari kesemua Mazhab Sunni antaranya termasuklah para ulama' dari Mazhab Shafi'i. Begitu juga apa yang dilakukan oleh al-Nawawi, Muhy al-Din Abu Zakariyya Yahya bin Sharaf al-Nawawi yang menulis kitab *Mukhtasar Tabaqat al-Fuqaha'*, (Beirut: Mu'assasah al-Kutub al-Thaqafiyah, 1995 M.). Usaha berikutnya dilakukan oleh Tash Kubra Zadah, Ahmad bin Mustafa menerusi kitabnya *Tabaqat al-Fuqaha'* (Mausil: Matba'ah al-Zahra' al-Hadithah, 1961 M.). Dalam konteks yang sama, *Ensiklopedia Fiqh* yang lebih umum juga telah di hasilkan di dalam bahasa 'Arab bertajuk: *al-Mausu'ah al-Fiqhiyyah* (Jilid 10, Wizarah al-Awqaf wa al-Shu'un al-Islamiyyah, Cetakan kedua, 1406H / 1986M - 1416H / 1995 M).

Berkaitan dengan ulama' Mazhab Shafi'i (atau *fuqaha'* Mazhab Shafi'i), terdapat beberapa buah karya silam yang memberikan tumpuan kepada sejarah hidup mereka, antaranya ialah tulisan Al-'Abadi, Abu 'Asim Muhammad bin Ahmad al-'Abadi, *Tabaqat al-Fuqaha' al-Shafi'iyah*, (Leiden, 1964); Jamal al-Din 'Abd al-Rahim al-Asnawi, *Tabaqat al-Shafi'iyah* (Baghdad: Matba'ah al-Irshad, 1390H), Ibn al-Salah, al-Imam Taqy al-Din Abu 'Amru 'Utahman bin 'Abd al-Rahman al-Shahruruzi, *Tabaqat al-Fuqaha' al-Shafi'iyah* (Beirut: Dar al-Basha'ir al-Islamiyyah, 1992 M.), Ibn al-Subki, Taj al-Din Abu Nasr 'Abd al-Wahhab bin 'Ali bin 'Abd al-Kafi al-Subki, *Tabaqat al-Shafi'iyah al-Kubra* (Kaherah: Matba'ah 'Isa al-Babi al-Halabi, 1965 M.), Ibn Kathir, *Tabaqat al-Shafi'iyah* (Tunis: Dar al-Kutub al-Wataniyyah, Tunis), Ibn Qadi Shuhbah,

Tabaqat al-Shafi'iyah, (India: Haidar Abad, 1987 M. dan Ibn Hidayatillah, Abu Bakar bin Hidayatillah al-Husaini, *Tabaqat al-Shafi'iyah* (Beirut: Dar al-Afaq al-Jadidah, 1971 M).

Penulisan secara khusus tentang Imam al-Shafi'i dan keintelektualannya telah banyak yang diterbitkan di dalam bahasa 'Arab, antaranya tulisan 'Izz al-Millah wa al-Din Abu 'Abdullah Muhammad bin 'Umar al-Razi, *Manaqib al-Shafi'i* (Kaherah: Maktabat al-'Allmiyyah, t.t.), Ibn Abi Hatim, Abu Muhammad 'Abd al-Rahman bin Abi Hatim Muhammad bin Idris bin al-Mundhir al-Razi, *Adab al-Shafi'i wa Manaqibuh*, (Kaherah: Matba'ah al-Sa'adah, 1953 M.), al-Baihaqi, Abu Bakr Ahmad bin al-Husain al-Baihaqi, *Manaqib al-Shafi'i*, (Kaherah: Dar al-Nasrh li al-Tiba'ah, 1390 H.), Ibn Hajar al-'Asqalani, *Dawali al-Ta'sis bi Ma'ali Ibn Idris* (Kaherah: Matba'ah al-Miniriyyah, 1301 H.), 'Abd al-Halim al-Jundi, *al-Imam al-Shafi'i, Nasir al-Sunnah wa Wadi' al-Usul* (Kaherah: Dar al-Qalam, 1966 H.), al-Sheikh Muhammad Abu Zuhrah, *al-Shafi'i*, (Kaherah: Matba'ah Mukhaimar, t.t.), Bultaji, Muhy al-Din 'Abd al-Salam al-Bultaji, *Mauqif al-Imam al-Shafi'i min Madrasat al-Iraq al-Fiqhiyyah* (Kaherah: al-Majlis al-A'la li al-Shu'un al-Islamiyyah, 1973 M.) dan *Mausu'ah al-Imam al-Shafi'i* (Beirut: Dar Qutaybah li al-Tiba'ah wa al-Nashr wa al-Tawzi', 1416H/1996M). Penulisan mengenai Imam ini di dalam Bahasa Melayu secara khusus, mendalam dan komprehensif belum lagi lahir. Justeru, penulis sedang berusaha sedaya mungkin memenuhi keperluan ini dalam masa yang terdekat dan mengharapkan sekali lagi kerjasama Jakim dalam usaha menerbitkannya untuk tatapan umum.

Setakat ini terdapat beberapa hasil penulisan ensiklopedia dalam bahasa Melayu dalam beberapa tajuk utama yang menggunakan pendekatan kajian yang berbeza. Hasil penulisan Dr. Mahayudin Haji Yahya, *Ensiklopedia Sejarah Islam* (Bangi: Universiti Kebangsaan Malaysia-1986-1989), sungguh pun

penulisnya telah memuatkan nama beberapa orang tokoh Mazhab Shafi'i, tetapi liputannya tidaklah meliputi bilangan terbanyak tokoh yang ada, selain dari pendekatannya lebih menjurus kepada persoalan sejarah dan tamaddun. Manakala *Ensiklopedi Hukum Islam* (Jakarta: PT. Ichtiar Baru Van Hoeve, 1997) merupakan inisiatif baru mengumpul beberapa istilah hukum Islam dan termasuk beberapa tokoh ulama' Islam yang telah memberikan sumbangan mereka dalam konteks perkembangan hukum Islam dan penulisannya. Tetapi penulisan yang khusus dengan penumpuan kepada *Ulama' Mazhab Shafi'i* yang meliputi nama-nama ulama' di kesemua negara Islam dan nusantara masih belum di usahakan lagi secara yang lebih tersusun.

Ada beberapa usaha tempatan lainnya yang pernah diterbitkan, tetapi usaha-usaha itu hanya tertumpu kepada masa dan kawasan tertentu sahaja, antaranya seperti tulisan Abdul Aziz bin Nik Hassan (1977), *Sejarah Perkembangan Ulama' Kelantan*, Kota Bharu: Pakatan Tuan Tabal, Lembaga Muzium Negeri Kedah Darul Aman (1977), *Biografi Ulama' Kedah Darul Aman*, jilid 1, Ismail Che Daud (1992), *Tokoh-tokoh Ulama' Semenanjung Tanah Melayu* (1 dan 2), Kota Bharu: Majlis Ugama Islam dan Adat Istiadat Melayu Kelantan, Ismail Mat (1993) dan *Ulama' Silam Dalam Kenangan*, Bangi: Penerbitan UKM.

Buku *Ensiklopedia Fuqaha' Mazhab Shafi'i* yang saya hasilkan pada tahun 1992 dan diterbitkan oleh Penerbitan Hizbi merupakan usaha awal ke arah menerbitkan ensiklopedia dalam bidang ini. Tetapi usaha ini tidak dapat diteruskan disebabkan oleh kesulitan kewangan dan teknikal.

Pada tahun 2006, saya telah mengemukakan sekali lagi penulisan sama dengan tajuk *Ensiklopedia Fuqaha'* yang dijangkakan akan mengandungi lebih daripada tujuh jilid mengikut kronologi

masa, bermula dari zaman fuqaha' sahabat, tabi'in dan atba' tabi'in dalam jilid 1 sebagai pengenalan dan diikuti dengan jilid-jilid yang lain untuk zaman-zaman seterusnya sehingga ke zaman tokoh-tokoh rantau Asia masa ini. Tetapi usaha ini, yang dikendalikan oleh Intel Multimedia and Publication hanya berjaya menerbitkan dua jilid; pertama dan kedua sahaja. Jilid ketiga tergendala dalam proses penerbitan atas sebab-sebab yang khusus.

Pada kali ini, saya sebagai pemilik hak cipta asli penulisan ini, telah bersetuju untuk menerbitkannya semula, tetapi dengan nama dan format yang sedikit berlainan. Versi baru ini saya namakan *Ensiklopedia Ulama'*. Perubahan nama ini dilakukan dengan mengambil kira beberapa faktor; pertamanya, permintaan penerbit sendiri yang mahukan pembaharuan imej, luaran dan dalaman kepada karya ini. Keduanya, pindaan perkataan *Fuqaha'* adalah disebabkan keintelektual seseorang *faqih* yang didedahkan di dalam buku ini bukan hanya tertumpu di dalam Bidang Fiqh semata-mata, malahan ia, pada sebahagian besarnya melampaui bidang itu sehingga ke Bidang Tafsir, Hadis, Bahasa dan lain-lain. Jarang sekali seseorang *faqih* tidak menghafal atau tidak mendalami pengajiannya tentang al-Qur'an dan Hadis, bahkan kadang-kadang seseorang itu walaupun *faqih*, dia lebih terkenal di dalam bidang Hadis atau bahasa atau sastera atau sejarah atau *'ulum aqliyyah*. Justeru, perubahan nama karya ini ada signifikannya dari sudut kelumrahan keilmuan ulama' itu sendiri. Ketiganya, perkataan *Fuqaha'* dengan erti mereka yang 'arif di dalam Ilmu Fiqh, masih belum tersebar luas penggunaannya di kalangan pembaca biasa, malah pada sebahagian pembaca di peringkat menengah pun, ia masih juga samar, biarpun perkataan itu sudah menjadi istilah ilmu yang terkenal di kalangan ilmuwan peringkat tinggi. Inilah di antara faktor yang mendorong saya untuk mengadakan pindaan pada nama karya ini.

Pembahagian Penulisan

Penulisan ini yang khusus ditumpukan kepada ulama' Mazhab Shafi'i sahaja, sekurang-kurangnya akan meliputi sebanyak 14 jilid sederhana (tidak termasuk jilid 1 yang dianggap sebagai pendahuluan). Pembahagian ini dirancang menurut urutan tahun kewafatan seseorang ulama' dan ia tertakluk kepada pindaan berdasarkan kepada perkembangan penyelidikan dari semasa ke semasa dan ukuran tebal bagi tiap satu jilidnya. Jilid 1, merupakan pengenalan yang sengaja diadakan bagi memudahkan fahaman pembaca tentang aliran penurunan Ilmu Fiqh kepada para ulama' sejak awal abadnya. Secara umumnya adalah seperti berikut:

- Jilid 1, Ensiklopedia Ulama' (Ulama' Zaman Sahabat, Tabi'in dan Atba' Tabi'in, w. 13 H. / 635 M. – w. 181 H. / 798 M.)
- Jilid 2, Ensiklopedia Ulama' (Ulama' Mazhab Shafi'i, w. 198 H. / 814 M. – w. 398 H. / 1007 M.)
- Jilid 3, Ensiklopedia Ulama' (Ulama' Mazhab Shafi'i, w. 400 H. / 1010 M. – w. 559 H. / 1164 M.)
- Jilid 4, Ensiklopedia Ulama' (Ulama' Mazhab Shafi'i, w. 560 H. / 1165 M. – w. 783 H. / 1381 M.)
- Jilid 5, Ensiklopedia Ulama' (Ulama' Mazhab Shafi'i, w. 786 H. / 1384 M. – w. 849. H. / 1446 M.)
- Jilid 6, Ensiklopedia Ulama' (Ulama' Mazhab Shafi'i, w. 850 H. / 1446 M. – w. 891 H. / 1486 M.)
- Jilid 7, Ensiklopedia Ulama' (Ulama' Mazhab Shafi'i, w. 891 H. / 1486 M. – w. 964 H. / 1557 M.)
- Jilid 8, Ensiklopedia Ulama' (Fuqaha' Mazhab Shafi'i, w. 965 H. / 1558 M. – w. 1068 H. / 1658 M.)
- Jilid 9, Ensiklopedia Ulama' (Ulama' Mazhab Shafi'i, w. 1069 H. / 1658 M. – w. 1173 H. / 1760 M.)

- Jilid 10, Ensiklopedia Ulama' (Ulama' Mazhab Shafi'i, w. 1171 H. / 1761 M. – w. 1290 H. / 1873 M.)

Urutan tarikh wafat seperti dinyatakan, tertakluk kepada pindaan dari semasa ke semasa. Untuk penulisan berikutnya, penumpuan diberikan kepada sejarah hidup ulama'-ulama' dari Mazhab-mazhab Hanafi, Maliki dan Hanbali pula.

Rujukan

Penulisan ini berteraskan kepada beberapa rujukan primer serta dilengkapi dengan rujukan-rujukan sekunder. Antara rujukan primer:

- Ibn al-Athir, 1970, *Usd al-Ghabah*, Kaherah: al-Sha'ib.
- Ibn 'Abd al-Barr (t.t.), *al-Isti'ab fi Ma'rifat al-Ashab*, Beirut: Dar al-Sadir.
- Ibn Hajar al-'Asqalani (t.t.), *al-Isabah fi Tamyiz al-Sahabah*, Beirut: Dar al-Sadir.
- Al-Darqutni (1985), *Zikir Asma' al-Tabi'in wa man Ba'dabum*, Beirut: Mu'assasah al-Kutub al-Thaqafiyah.
- Al-'Abadi (1964), *Tabaqat al-Fuqaha'*, Leiden.
- Al-Shirazi (1970), *Tabaqat al-Fuqaha'*, Beirut: Dar al-Ra'id al-'Arabi.
- Al-Nawawi (t.t.), *Tahdhib al-Asma' wa al-Lughat*, Kaherah: Idarat al-Tiba'ah al-Muniriyyah.
- Al-Nawawi (1995), *Mukhtasar Taqat al-Fuqaha'*, Beirut: Mu'assasah al-Kutub al-Thaqafiyah.
- Al-Asnawi (1390), *Tabaqat al-Shafi'iyyah*, Baghdad: Matba'ah al-Irshad.

- Ibn Salah al-Shahruruzi (1922), *Tabaqat al-Fuqaha' al-Shafi'iyah*, Beirut: Dar al-Basha'ir al-Islamiyyah.
- Ibn Qadi Shuhbah (1987), *Tabaqat al-Shafi'iyah*, India: Haidar Abad.
- Ibn al-Nadim (1391), *al-Fihrist*, Tehran: Rida al-Tajaddud.
- Ibn Hibban al-Busti (1379), *Mashahir Ulama' al-Amsar*, Kaherah: Matba'at Lajnat al-Ta'lif wa al-Tarjamah wa al-Nashr.
- Al-Khatib al-Baghdadi (1931), *Tarikh Baghdad*, Kaherah: Maktabah al-Khanji.
- Ibn al-Subki (1965), *Tabaqat al-Shafi'iyah al-Kubra*, Kaherah: Matba'ah 'Isa al-Babi al-Halabi wa Shurakah.
- Ibn Abi Hatim al-Razi (t.t.), *Adab al-Shafi'i wa Manaqibuh*, Kaherah: Dar Nahdah Misr li al-Tiba'ah wa al-Nashr.
- Al-Baihaqi (1390), *Manaqib al-Shafi'i*, Kaherah: Dar al-Nashr li al-Tiba'ah.
- Al-Suyuti (1967.), *Husn al-Muhadarah fi Tarikh Misr wa al-Qahirah*, Kaherah: : Matba'ah 'Isa al-Babi al-Halabi wa Shurakah.
- Ibn al-'Imad (t.t.), *Shadharat al-Dhabab fi Akbbar Man Dhabab*, Beirut: al-Maktabah al-Tijariyyah li al-Tiba'ah wa al-Nasr wa al-Tauzi', dan
- Ibn Hidayatillah (1971), *Tabaqat al-Shafi'iyah*, Beirut: Dar al-Afaq al-Jadidah.

Antara rujukan sekunder:

- Al-Maraghi (t.t.), *al-Fath al-Mubin*, Kaherah: 'Abd al-Hamid Ahmad al-Hanafi.

- ‘Umar Rida Kuhalah (1957), *Mu‘jam al-Mu‘allifin*, Dimashq: Matba‘ah al-Taraqqi.
- Khair al-Din al-Zirikli (1389), *al-‘A‘lam*, Beirut: Dar al-‘Ilm li al-Malayin.
- Ibn Khallikan (1978), *Wafayat al-A‘yan*, Beirut: Dar al-Sadir.
- Al-Sabhani (2000), *Mausu‘ah Tabaqat al-Fuqaha’*, Beirut: Dar al-Adwa’.
- Dr. Hassan Ibrahim Hassan (1964) *Tarikh al-Islam*, Kaherah: Maktabah al-Nahdah al-Misriyyah.
- Dr. Mahayudin Haji Yahya (1986-1989), *Ensiklopedia Sejarah Islam*, Bangi: Universiti Kebangsaan Malaysia.
- *Ensiklopedi Hukum Islam* (1997), Jakarta: PT. Ichtiar Baru Van Hoeve.
- Dan lain-lain, termasuk beberapa maklumat dari laman web internet.

Saya amat mengharapkan agar usaha kecil ini akan diterima Allah SWT sebagai suatu *‘amal jariyah* yang berkekalan dan menjadi ilmu yang dapat dimanfaatkan oleh semua pembaca, semoga Allah SWT memberkatinya... *wa ma Taufiqi illa Billah*.

Dapatkan naskhah anda sekarang di :

Bahagian Penerbitan Jakim

Aras 1, Blok D9, Kompleks D

Pusat Pentadbiran Kerajaan Persekutuan

62519 W.P. Putrajaya

No. Tel : 03-8886 4575

انسبک لوفت پرا علماء

Ensiklopedia Ulama'

Usaha untuk membangunkan semula tamadun ummah tidak terlepas daripada sejarah kesarjanaan ummah itu sendiri. Dalam konteks ini, mengenali para ilmuwan dan kesarjanaan mereka dalam pelbagai bidang ilmu secara lebih dekat adalah aset utama dalam kerangka pembangunan tersebut. Mereka adalah insan yang bekerja keras kerana Allah, agama dan perjuangan Rasul-Nya, menepati tanggungjawab mereka sebagai pewaris para anbiya'.

Penulisan ini mengemukakan ketokohan para ulama' dari sudut peranan dan sumbangan mereka sebagai pemikir, ilmuwan, pemimpin dan model kepada ummah sejak zaman berzaman disusun dan dipersembahkan berdasarkan kronologi kewafatan para ulama' yang dimulai selepas zaman kewafatan baginda Rasulullah SAW iaitu bermula pada peringkat sahabat, tabi'in dan atba' tabi'in. Penulisan ini diperluaskan ke generasi seterusnya iaitu ulama' mazhab Shafi'i yang terdiri daripada murid beliau ketika di Makkah, Iraq dan Mesir sehinggalah kepada para ulama' mazhab sepanjang sejarah perkembangan mazhab ini. Seterusnya penulisan ini diperluaskan lagi sehingga kepada tokoh-tokoh ulama' rantau Asia dan berakhir dengan tokoh-tokoh ulama' yang baru wafat sekitar abad ini.

Ensiklopedia Ulama' yang diterbitkan dalam beberapa jilid ini merupakan satu usaha yang murni ke arah melahirkan sebuah khazanah berharga untuk tatapan masyarakat dan diharap ianya menjadi pemula kepada generasi kini untuk lebih mengenali tokoh-tokoh ulama' dan sumbangan mereka dalam pelbagai bidang keilmuan serta menjadikan mereka sebagai contoh dalam kehidupan.

ISBN 978-983-042-441-5



9 789830 424415